





進徐騎省文集表



臣克順言伏以德必有言見稱於君子文之行遠  
用示於方來矧逢

熙盛之期茂闡

欽明之化臣克順誠惶誠懼頓首頓首伏念臣本

惟寒族偶襲緒風幼佩服于義方長陶丞於

孝治築室百堵介處于下鄉教子一經敢墮于素業

旌閭雖慙于往事

賜書寧謝于古人家藏稍多耳剽亦久竊見故散

騎常侍徐鉉傑出江表夙負重名逮事



天朝薦升近列特受  
先皇之顧遇頗為後進之宗師文律高深學術精  
博辭惟尚要思在無邪克著一家之言蓋處諸公  
之右淳化之歲被病考終生嗟伯道之孤歿慮若  
教之餒而臣頃在場屋獲造門牆情篤鄉閭禮鈞  
甥姪永惟感舊適值送終臣家乃具扁舟載其靈  
柩直抵豫章之郡卜葬西山之阿一掩佳城久荒  
宿草雖歲時靡輟為脩黃石之祠而翰墨罕存難  
訪茂陵之札每思編輯尤懼舛譌數年前故參知  
政事陳彭年因臣屢言成臣夙志假以全本并茲

陸香圃三間草堂藏書

冠篇乃募工人肇形鏤板竹簡更寫無媿于前脩  
緋几迴觀願留於

睿覽伏望

崇文廣武感天尊道應真佑德上聖欽明仁孝皇  
帝陛下清衷軫念

鴻霈延慈稍迴

虞舜之聰暫乙東方之牘

淪恩至厚俾朽骨以重榮

皇範長新耀遺編而增煥豈惟疎賤獨荷

照臨其新印徐鉉文集兩部計六十卷共一十二



冊謹隨表上

進干冒

宸嚴臣無任戰汗激切屏營之至臣克順誠惶誠  
懼頓首頓首謹言

天禧元年十一月日三司戶部判官朝散大夫行  
尚書都官員外郎上護軍臣胡克順上表

批荅

敕胡克順省所上表進新印徐鉉文集兩部計六  
十卷共一十二冊事具悉徐鉉生于江介早著時  
名歷事

陸香圃三間草堂藏書

祖宗之朝嘗居文翰之任發揮誥命有溫雅之風  
脩預咨詢見該通之學矧惟素履無謝古人汝克  
慕前脩盡編遺札俾之摹印庶廣流傳觀奏御之  
爰來諒恪勤之斯至覽觀之際嘉歎良深故茲獎  
諭想宜知悉  
五日



陸香圃三間草堂藏書

故散騎常侍東海徐公文集序

秘書郎陳

彭年

撰

昔姬昌既沒文不在于茲乎韓起有言禮盡見于魯矣故仲尼降異以產民宗闕里垂言用為人極自哲人一往作者多岐則有孟子制其橫流荀卿平其亂轍戰國之際百氏沸騰嬴秦之餘六經煨燼菁華欲竭俎豆无歸故賈生談仁義于前揚子宗詩書於後魏晉名士咸重立言梁隋諸公始興宮體茲風一扇踰數百年唐氏儁人為多比百王而雖盛文章所尚方三古而終殊于是韓吏部獨



正其非柳柳州輔成其事千齡旦莫斯豈誣哉俛  
大道之將行故由天意幸斯文之未喪亦繫人謀  
其有道冠人倫才為世表令名不泯百代攸宗今  
復見之徐公矣公諱鉉字鼎臣其先會稽人也鄰  
幾之姿生民之秀滄溟沃日流作言泉建木于星  
植為行圃英才茂德光映于前脩懿範清規儀刑  
于來者弄璋之始屬唐室之多虞佩觿之初值楊  
都之建號公文辭濬發不類幼童識量淹通已成  
大器彈冠入仕方居終賈之年佩玉登朝即就嚴  
徐之列洎江東內禪文物初興廊廟之珍獨當其

陸香圃三間草堂藏書

任搢紳之望無出其先漢之賢臣蔡邕歷三臺之  
選魏之俊士索靖馳二妙之名若乃毛玠之公清  
汲黯之正直王倫之知禮張華之博物鄭當時之  
下士山巨源之薦賢以公方之綽有餘裕故得觀  
孔光之樹久奉樞機寓荀勗之池當參獻替雖具  
瞻之重猶未正名而乃眷之殊已同彼相及樓船  
南伐青蓋東來遂于艱虞之辰克盡始終之節夫  
章臺之壁且屬秦求方城之材果為晉用

太祖讀豫州之檄不責其非

今上聽上林之文屢言其美由是甘泉柏殿重奉



宸遊瑣闥貂冠更膺

天獎王公慕義如見古人名德在時目為耆老李膺交友不異神仙許劭言談是名月旦雖來於江左魯公于是贈詩寓彼漢中武侯以之下拜无以踰也及運逢消長道或盈虛辭通籍之簪纓陪外藩之樽俎語鬼神之事歸

宣室而未期留封禪之書卧茂陵而長往嗚呼惟公稟中和之氣挺傑出之才風雨而不迷雪霜而不變瞻其潔白如珪如璋聽其風聲如蘭如蕙自成人之始至從心之年險阻艱難所經多矣功名

陸香圃三間草堂藏書

富貴皆自致之至若平仲事君一心无改展禽秉直三黜弥光百行立身世談其盡善片言違道人知其不為豈但王佐之才獲稱于士季公卿之量見賞於林宗乎其有立言之旨學古之功究乎天人窮乎性命文房逸勢楚國之三休筆陣雄風宗人之九拒昔者洞簫之賦誦之者後宮劔閣之銘刊之者明詔賈誼過秦之作史臣置於篇中王融曲水之辭鄰使求于座上蔡中郎之所自許則有太丘之碑潘黃門之所用工獨是荊州之誅公並窮其淵藪仍在上游掇其英華更多餘力雖絲簧



金石无以均其雅黼黻立黃不足方其麗草太玄  
之客徒欲載金述十意之人自將焚藁豈獨語其  
篇什宜升洙泗之堂畫彼形容當在靈均之廟者  
哉矧復六書之藝少而留心二篆之蹤老而盡妙  
研精不捨常惜寸陰尺牘所傳有同珍寶  
聖上方欲恢千年之洪業答  
上帝之耿光朝諸侯而

東廵祀介丘而  
降禪若乃以秦丞相之健筆兼漢郎將之雄文銘  
此成功垂之不朽求之輿議公即其人斯志未終

陸香圃三間草堂藏書

大年行盡殲良之痛其可已乎公江南文藁撰集  
未終一經亂離所存无幾公自勒成二十卷及歸  
中國入直禁林制詔表章多不留草其餘存者子  
壻尚書水部員外郎吳君泚編為十卷通成三十  
卷所撰質論稽神錄奉詔撰江南錄脩許慎說文  
並別為一家不列于此彭年越在幼年即承訓導  
通家之舊與文舉以攸同入室之知方子淵而豈  
感生平而永歎報德无階痛音問之長違殞身  
莫贖聊存摭實用以冠篇時淳化四年七月序



陸香圃三間草堂藏書

徐騎省文集總目

第一卷

文賦三首

詩二十一首



第二卷

詩六十九首

歌一首

第三卷

詩七十五首

第四卷

詩七十二首

第五卷



詩七十一首

第六卷

制誥二十九首

第七卷

制誥二十六首

第八卷

制誥三十六首

祭告文二首

第九卷

冊九首

謚議一首

第十卷

陸香圃三間草堂藏書

第十一卷

碑銘五首

碑銘三首

第十二卷

碑銘五首

第十三卷

記七首

第十四卷

記三首

頌一首  
并序

贊四首

銘二首



哀冊文二首

第十五卷

墓誌七首

第十六卷

墓誌八首

第十七卷

墓誌七首

第十八卷

序八首

第十九卷

陸香圃三間草堂藏書

序六首

表四首

書五首

第二十卷

表四首

書五首

狀二首

文九首

第二十一卷

應制詩二十九首

寄送詩四十九首

第二十二卷

雜詩五十九首

文賦二首



第二十三卷

序九首

第二十四卷

序五首

連珠五首

贊四首

銘三首

論三首

第二十五卷

碑銘五首

第二十六卷

碑銘五首

第二十七卷

陸香圃三間草堂藏書

碑銘五首

第二十八卷

記十首

第二十九卷

墓誌六首

第三十卷

墓誌六首

徐騎省文集總目



陸香圃三間草堂藏書

徐騎省文集卷第一



賦詩

頌德賦

木蘭賦



新月賦

頌德賦

東宮誕日獻

惟先王之建國體皇極而垂制仰則觀於辰象俯則察于地義前星為帝座之輔蒼震乃少陽之位非陰德與茂親不足膺茲主器故萬邦以貞而本枝百世是必天錫嘉祉神輸百祥山河資其正氣日月分其融光膺期運以載誕配乾坤而永昌者



也惟我儲后昭明俊德黃裳元吉沈潜剛克鈞深  
致遠曾莫挹其津涯問安視膳每或形于顏色在  
昔冲讓高追太伯乃剖麟符保釐東宅受道師傳  
稽疑典冊化自誠心風行邦國乃擁干旌南徐之  
城左撫句吳前封敬亭京師河潤盛德日新其畏  
如夏其惠如春謝傳圍碁靜一方之沴氣條侯高  
卧息萬里之驚塵令聞孔昭元功莫二人情不可  
以久鬱皇統不可以終避乃畏天帝允茲儲貳鳴  
玉軼以徐來与春郊而摠至龍樓霧廓雞戟風生  
珍符疊委和氣交迎百度以之而式序多壘以之

陸香圃三間草堂藏書

而載清史書有年衢傳頌聲豈人事之協賛信宗  
祊之降靈于是玄圃凝陰瑤山密雪宣猷之緹幕  
半下濛汜之曾冰乍結爰書慶誕之日始過嘉平  
之節麗正晨啟重明夙設調護之客娛侍之臣峩  
冠焯焯佩玉璘玢咸稽首而再拜獻多福于萬春  
有宮坊之下吏乃捧觴而進稱曰自古聖賢率由  
輔導伊徇名與課實故成敗之異效粵若成王史  
佚周召左右前後惟仁與孝靡過不舉无善不告  
茲君臣之一體故風聲之克劭降及後代亦慎厥  
初實聘四老復延二疏咸由古道以佑皇儲若乃



征和戾園有思臺博望之盛貞觀承乾有玄齡魏  
徵之重或有其禮而無人或有其人而不用何擇  
禍之忘輕信非賢而罔共英英副君鑒古知今百  
揆在乎手萬務經其心朝廷之所寄者重蒼生之  
所望者深既當興王之諫亦訪百官之箴故曰生  
民在勤好問則裕不躬不親人將孰信一游一豫  
樂有常度節八音以導其和平調五味以適其喜  
忿情義兼於家國故知無不為愛敬極於君親故  
惟道是諭儉以足用而施舍不可不行仁以接物  
而刑罰不可不具冗官宜省而才不可遺疆事漸

陸香圃三間草堂藏書

寧而脩不可去居安思危觀災而懼上分一人之  
憂以成天下之務俾中外之禔福與宗祧而永固  
伊下臣之不復蒙國士之殊遇實含和而吐頌豈  
登高之能賦願降鑒于芻蕘庶效誠于塵露

木蘭賦

并序

頃歲鉉左宦江陵官舍數畝委之而去庭樹木蘭  
因移植於宗兄之家及鉉徵還席不遑煖又竄於  
舒庸吾兄感春物之載華擬古詩而見寄吟翫感  
歎謹賦以和焉雖不足繼體物之作庶幾申騷客  
之情尔



伊庭中之奇樹有木蘭之可悅外爛爛以凝紫內  
英英而積雪芬芬兮謝客之囊綺旒兮仙童之節  
仙人有紫旒節許蒲茸之竊比聽蘭芽之並列于是辭不  
土之卑濕歷上京之繁華恥銜償於豪門乃託根  
於貧家此樹本自歷陽移植于庭中資幽人之賞豫有好事之  
稱嗟一旦逐客程遠君門路賒削閨籍與印組豈  
獨留乎此花噫人屢遐弃花猶得地分兔苑之餘  
蔭向藩房而吐媚授簡多暇攀條屬思持香草以  
予比效騷辭而我寄感此生之百憂何斯物之是  
貴悲夫客館長吟山城夕陰想馨香之不改歎歡

陸香圃三間草堂藏書

宴之難尋憑歸夢於飛翼寫商歌於素琴歌曰光  
景兮愁莫別離兮易久真宰兮无黨貞心兮不朽  
誠知異日重茲田氏之荆但恐相逢共歎桓公之柳

新月賦

庚午歲宿直作

五月五日繇陰乍晴倬彼新月麗于太清映玉繩  
而絢采揜銀漢以騰精對鵝鵲西南之影步明光  
東北之楹歷歷遲漏悠悠我情雖萬古之不易感  
一年而始生乃有駭女癡男朱顏稚齒欣春物之  
駘蕩登春臺之靡迤雜佩璀璨錯輕裾颯纒紛乎拜  
祝怡然宴喜人歲歲以潛換景年年而若此昔我



當年胡云不然世路多故流光暗遷易壯心于大  
觀變玄髮于華顛顧一毛之无濟媿兩綬之徒懸  
况乎萬象虛明九門奧秘對宣室以方嚴閱通宵  
而不寐憂心似醉既慷慨于君恩急景如馳更淒  
涼于往事想翹月以長歌遂抽毫而見意

詩

早春左省寓直

旭景鸞臺上微雲象闕間時清政事少日永直官  
閑遠籟飛簫管零冰響珮環終軍年二十默坐叩  
玄闕

陸香圃三間草堂藏書

寒食宿陳公塘上

垂楊界官道茅屋倚高坡月下春塘水風中牧豎  
歌折花閑立久對酒遠情多今夜孤亭夢悠揚奈  
爾何

將去廣陵別史員外南齋

家聲曾與金張輩官署今居何宋間起得高齋臨  
靜曲種成竒樹學他山鴛鸞終日同醒醉蘿薜常  
時共往還賤子今朝獨南去不堪迴首望清閑

將過江題南沙館

少長在維揚依然認故鄉金陵佳麗地不道少風



光稍望吳臺遠行登楚塞長殷勤語江嶺歸夢莫  
相妨

登甘露寺北望

京口潮來曲岸平海門風起浪花生人行沙上見  
日影舟過江中間櫓聲芳草遠迷揚子渡宿煙深  
映廣陵城游人鄉思應如橘相望須含兩地情

山路花

不共垂楊映綺寮倚山臨路自嬌嬈游人過去知  
香遠谷鳥飛來見影搖半隔煙嵐遙隱隱可堪風  
雨莫蕭蕭城中春色還如此幾處笙歌索舞胥

陸香圃三間草堂藏書

京口江際弄水

退公求靜獨臨川揚子江南二月天百尺翠屏甘  
露閣數帆晴日海門船波澄瀨石寒如玉草接汀  
蘋綠似煙安得乘槎更東去十洲風外弄潺湲

早春旬假獨直寄江舍人

省署皆歸沐西垣公事稀詠詩前砌立聽漏向申  
歸遠思風醒酒餘寒雨濕衣春光已堪采芝蓋共  
誰飛

從駕東幸呈諸公

吳公臺下舊京城曾揜衡門過十春別後不知新



景象信來空問故交親官遊京口無高興習隱鍾  
山限俗塵今日喜為華表鶴况陪鷓鴣鷺免迷津

重遊木蘭亭

繚繞長堤帶碧潯昔年遊此尚青衿蘭橈破浪城  
陰直玉勒穿花苑樹深宦路塵埃成久別仙家風  
景有誰尋那知年長多情後重凭闌干一獨吟

賦得采燕

縷采成飛燕迎和啟蟄時翠翹生玉指繡羽拂文  
楣詎費銜泥力无勞剪爪期化工今在此翻怪社  
來遲

陸香圃三間草堂藏書

送魏舍人仲甫為蘄州判官

從事蘄春興自長蘄人應識紫微郎山資足後拋  
名路莼菜秋來憶故鄉以道卷舒猶自適臨戎談  
笑固无妨如聞郡閣吹橫笛時望青谿憶野王

題殷舍人宅木芙蓉

憐君庭下木芙蓉嫋嫋纖枝淡淡紅曉吐芳心零  
宿露晚搖嬌影媚清風似含情態愁秋雨暗減馨  
香借菊叢默飲數杯應未稱不知歌管与誰同

送史館高員外使嶺南

東觀時閑暇還脩喻蜀書雙旌馳縣道百越從軺



車挂蠹晨冷罷貪泉訪古初春江多好景莫使醉吟疎

春日紫岩山期客不至

郊外春華好人家帶碧谿淺莎藏鴨戲輕靄隔雞啼掩映紅桃谷黃綠翠柳堤王孫竟不至芳草自萋萋

宿蔣帝廟明日遊山南諸寺

便返城闈尚未甘更從山北到山南花枝似雪春雖半挂鳧如眉日始三松蓋遮門寒黯黯柳絲妨路翠氍毹登臨莫怪偏留戀游宦多年事事諧

陸香圃三間草堂藏書

賦得有所思

所思何在杳難尋路遠山長水復深衰草滿庭空佇立清風吹袂更長吟忘情好醉青田酒寄恨宜調絲綺琴落日鮮雲偏聚散可能知我獨傷心

贈王貞素先生

先生嘗已佩真形紺髮朱顏骨氣清道秘未傳鴻寶術院深時聽步虛聲遼東幾度悲城郭吳市終應變姓名三十六天皆有籍他年何處問歸程

春夜月

幽人春望本多情况是花餘月正明竟夕無言亦



无寐繞塔芳草影隨行

愛敬寺有老僧嘗游長安言秦雍間事

歷歷可聽因贈此詩兼示同行客

白首棲禪者嘗談灞滻游能令過江客偏起失鄉

愁室倚桃花崦門臨杜若洲城中无此景將子剩

淹留

游蔣山題辛夷花寄陳奉禮

本約陳同游不至

今歲遊山已恨遲山中仍喜見辛夷簪纓且免全

為累桃李猶堪別作期晴後日高偏照灼晚來風

急漸離披山郎不作同行伴折得何由寄所思

陸香圃三間草堂藏書

徐騎省文集卷第一



陸香圃三間草堂藏書

徐騎省文集卷第二

詩

和殷舍人蕭員外春雪

萬里春陰乍履端  
廣庭風起玉塵乾  
梅花嶺上連天白  
蕙草堦前特地寒  
晴去便為經歲別  
興來何惜澈宵看  
此時鴛侶皆閑暇  
贈答詩成禁漏殘

寄蘄州高郎中

賈傅棲遲楚澤東  
蘭皋三度換秋風  
紛紛世事來無盡  
黯黯離魂去不通  
直道未能勝社鼠  
孤飛徒自嘆冥鴻  
知君多少思鄉恨  
併在山城一笛中



寄和州韓舍人

急景駸駸度遙懷處處生  
風頭乍寒暖天色半陰  
晴久別覓空斷終年道不行  
殷勤雲上雁為過歷  
陽城

從兄龍武將軍沒于邊戍過舊營宅作  
前年都尉沒邊城帳下何人領舊兵  
徼外瘴煙沈鼓角山前秋日照銘旌  
笙歌却返烏衣巷部曲皆還細柳營  
今日園林過寒食馬蹄猶擬入門行

景陽臺懷古

六言

後主亡家不悔江南異代長  
春今日景陽臺上閑

陸香圃三間草堂藏書

人何用傷神

春分日

仲春初四日春色正中分  
綠野裝徧月晴天斷續  
雲燕飛猶箇箇花落已紛紛  
思婦高樓晚歌聲不可聞

寄駕部郎中

瞻

賤子乖慵性頻為省直牽  
交親每相見多在相門  
前君獨踈名路為郎過十年  
炎風久成別南望思悠然

和王庶子寄題兄長建州廉使新亭



謝守高齋結名御新一方風景萬家情羣賢詎減山  
陰會遠俗初聞正始聲水檻片雲長不去詔庭織  
草轉應生阿連詩句偏多思遙想池塘盡夢成

謝文靜墓下作

時閩嶺用師  
契丹陷梁宋

越徼稽天討周京亂虜塵蒼生借可奈江表更无  
人豈憚尋荒壟猶思認後身春風白楊裏獨步泪  
霑巾

觀人讀春秋

日覺儒風薄誰將霸道羞亂臣无所懼何用讀春  
秋

陸香圃三間草堂藏書

秋日雨中與蕭贊善訪殷舍人于翰林  
座中作

野出西垣步步遲秋光如水雨如絲銅龍樓下逢  
閑客紅藥塔前訪舊知亂點乍滋承露處碎聲因  
想滴逢時銀臺鑰入瀆歸去不惜餘歡盡酒卮

送和州張員外為江都令

經年相望隔重湖一旦相逢在上都塞詔官班聊  
慰否埋輪意氣尚存無由來聖代憐才子始覺清  
風激懦夫若向西園尋勝賞舊題名處為躊躇

和明道人宿山寺



聞道經行處山前与水陽磬聲深小院燈影迴高  
房落宿依樓角歸雲擁殿廊羨師閑未得早起逐  
班行

晚歸

暑服道情出煙街薄莫還風清飄短袂馬健弄連  
環水靜聞歸櫓霞明見遠山過從本无事從此涉  
旬間

月真歌

廣陵妓人翰林殷舍人所  
錄携之垂訪筵上贈此

揚州勝地多麗人其間麗者名月真月真初年十  
四五能彈琵琶善歌舞風前弱柳一枝春花裏嬌

陸香園三間草堂藏書

鸞百般語揚州帝京多名賢其間賢者殷德川德  
川初秉綸闈筆職近名高常罕出花前月下或遊  
從一見月真如舊識閑庭深院資賢宅宅門巖峻  
无凡客垂簾偶坐唯月真調弄琵琶即為拍殷郎  
一旦過江去鏡中嬾作孤鸞舞朝雲暮雨鎮相隨  
石頭城下還相遇二月三月江南春滿城濛濛起  
香塵隔牆試聽歌一曲乃是資賢宅裏人綠窓繡  
幌天將曉殘燭依依香裊裊離腸却恨苦多情輕  
障熏籠空悄悄殷郎去冬入翰林九霄官署轉深  
沈人間想望不可見唯向月真存舊心我慙闖茸



何為者長感餘光每相假陋巷蕭條正揜扉相携  
訪我衡茅下我本山人愚且貞歌筵飲席常无情  
自從一見月真後至今贏得顛狂名殷郎月真聽  
我語少壯光陰能幾許良辰美景數追隨莫教長  
說相思苦

走筆送義興令趙宣輔

聞君孤棹汎荆谿隴首雲隨別恨飛杜牧舊居憑  
買取他年藜杖願同歸

天闕山絕句

散誕愛山客淒涼懷古心寒風天闕晚盡日倚軒吟

陸香圃三間草堂藏書

除夜

寒燈耿耿漏遲遲送故迎新了不欺往事并隨殘  
曆日春風寧識舊容儀預慙歲酒難先飲更對鄉  
雛羨小兒吟罷明朝贈知己便須題作去年詩

寄鍾謨

看看潘鬢二毛生昨日林梢又轉鶯欲對春風忘  
世慮敢言樽酒召時英假中西閣應无事筵上南  
威幸有情不得車公終不樂已教紅袖出門迎

正初答鍾郎中見招

高齋遲景雪初晴風拂喬枝待早鶯南省郎官名



籍籍東隣妓女字英英  
流年倏忽成陳事  
春物依稀舊情新  
歲相思自過訪  
不煩虛左遠相迎

聞雁寄故人

久作他鄉客  
深慙薄宦非  
不知雲上雁  
何得每年歸  
夜靜聲彌怨  
天空影更微  
往年離別淚  
今夕重霑衣

江舍人宅筵上有妓唱和州韓舍人歌

辭因以寄

良宵絲竹偶成歡  
中有佳人俯翠鬟  
白雪飄飄傳樂府  
阮郎憔悴在人間  
清風朗月長相憶  
佩蕙紉

陸香圃三間草堂藏書

蘭早晚還深夜酒空筵欲散  
向隅惆悵鬢堪斑

寒食日作

厨冷煙初禁  
門閑日更斜  
東風不好事  
吹落滿庭花  
過社紛紛燕  
新晴淡淡霞  
京都盛遊觀  
誰訪子雲家

賀殷游二舍人入翰林江給事拜中丞

清晨待漏獨徘徊  
霄漢懸心不易裁  
閣老深嚴歸翰苑  
夕郎威望拜霜臺  
青綾對覆蓬壺晚  
赤捧前驅道路開  
猶有兩垣廳記在  
莫忘同草紫泥來  
歐陽大監雨中視決堤因墮水明日見



于省中因戲之

聞道張晨蓋徘徊石首東濟川非伯禹落水異三公衣濕仍愁雨冠歌更怯風今朝復相見疑是葛仙翁

送吳郎中為宣州推官涇縣

征虜亭邊月雞鳴伴客行可憐何水部今事謝宣城風物聊供賞班資莫繫情同心不同載留滯為浮名

寄舒州杜員外

信到得君書知君已下車粉闈情在否蓮幕興何

陸香圃三間草堂藏書

如人望徵賢入余思從子居灑山真隱地憑為卜茅廬

九月十一日寄陳郎中

我多吏事君多病癖絕過後又幾旬前日龍山煙景好風前落帽是何人

和司門郎中陳彥

衡門寂寂逢迎少不見仙郎向五旬莫問龍山前日事菊花開却為閑人

賦得擣衣

江上多離別居人夜擣衣拂砧知露滴促杵恐霜



飛漏轉聲頻斷愁多力自微裁縫依夢見晉帶定  
應非

九月三十夜雨寄故人

獨聽空塔雨方知秋事悲  
寂寥旬假日蕭颯夜長  
時別念紛紛起寒更故  
故遲情人如不醉定是兩  
相思

寄撫州鍾郎中

時王師敗績于  
閩中謨在建州

去載分襟後尋聞在建安  
封疆正多事樽俎若為  
歡都護空遺鏃明君欲  
舞干繞朝時不用非是殺  
身難

陸香圃三間草堂藏書

送歐陽大監游廬山

家家門外廬山路唯有夫  
君乞假遊按牘乍拋公  
署晚林泉已近暑天秋  
海潮盡處逢陶石江月  
圓時上庾樓此去蕭然  
好長往人間何事不悠悠  
立秋後一日與朱舍人同

一宿秋風未覺涼數宮  
聲漏日猶長林泉無計  
消殘暑虛向華池費稻  
粱

賦得霍將軍辭第

漢將承恩久圖勲  
宵顧私匈奴猶未滅  
安用以家為郢匠雖  
聞詔衡門竟不移  
寧煩張老頌無待晏



嬰辭甲乙人徒費親隣我自持悠悠千載下長作  
帥臣師

和元帥書記蕭郎中觀習水師

元帥樓船出治兵落星山外火旗明千帆日助江  
陵勢萬里風馳下瀨聲殺氣曉巖波上鷓凱歌遙  
駭海邊鯨仲宣一作從軍詠廻顧儒衣自不平

秋日盧龍邨舍

置却人間事閑從野老游樹聲邨店晚草色古城  
秋獨鳥飛天外閑雲度隴頭姓名君莫問山木與  
虛舟

陸香圃三間草堂藏書

和蕭郎中小雪日作

征西府裏日西斜獨試新爐自煮茶籬菊盡來低  
覆水塞鴻飛去遠連霞寂寥小雪閑中過斑駁輕  
霜鬢上加算得流年無奈處莫將詩句祝蒼華

中書相公谿亭閑宴依韻

李建勳

雨霽秋光晚亭虛野興迴沙鷗掠岸去谿水上塔  
來客傲風歌憤筵香菊在杯東山長許醉何事憶  
天台

寄饒州王郎中效李白體

珍重王光嗣交情尚在不蕪城連宅住楚塞並車



游別後官三改年來歲六周銀鈞无一字何以緩  
離愁

寄歙州呂判官

任公郡古好山川谿水縈洄路屈盤南國自來推  
勝境故人此地作郎官風光適意須留戀祿秩資  
貧且喜歡莫憶班行重迴首是非多處是長安

宣威苗將軍貶官後重經故宅

蔣山南望近西坊亭館依然鑠院墻天子未嘗過  
細柳將軍尋已戍燉煌史萬歲嘗  
謫戍燉煌歌傾怪石山无色  
零落圓荷水不香為將為儒皆寂寞門前愁殺馬

陸香圃三間草堂藏書

中郎

附池州薛郎中書因寄歙州張員外

新安從事舊臺郎直氣多才不可忘一旦江山馳  
別夢幾年簪紱共周行政分出處何方是情共窮  
通此義長因附鄰州寄消息接輿今日信為狂

寄江都路員外

吾兄失意在東都聞說襟懷任所如已縱垂慵為  
傲吏有何關鍵制豪胥縣齋曉閉多移病南畝秋  
荒憶遂初知道故人相憶否嵇康不得嬾脩書  
張員外好茅山風景求為句容令作此送



句曲山前縣依依數舍程還同遠  
白漏非是厭承明柳谷供詩景  
華陽契道情金門容傲吏官滿且  
還城

送應之道人歸江西

曾騎竹馬傍洪崖二十餘年變物華  
客夢等閑過驛閣歸帆遙羨指龍沙  
名題小篆矜垂露詩作吳吟對綺霞  
歲莫定知迴未得信來憑為寄梅花

送元帥書記高郎中出為婺源建威軍使

寒風蕭瑟楚江南記室戎裝掛錦帆  
倚馬未曾妨笑傲斬牲先要勵威嚴  
危言昔日嘗无隱壯節今

陸香圃三間草堂藏書

來信不凡唯有杯盤思上國酒醪甜  
淡菜蔬快

游方山宿李道士房

從來未面李先生借我西窓臥月明  
二十三家同願識素驪何日暫還城

題畫石山

彼美巉岩石誰施黼黻功迴岩明照地  
絕壁爛臨空錦段鮮須濯羅屏展易窮  
不因秋蘚綠非假晚霞紅羽客藏書洞  
樵人取箭風蹤靈理難問仙路去何通  
返駕歸塵裏留情向此中迴瞻畫圖畔  
遙羨面山翁



臨石步港

碕岸蘼縈帶微風起細漣綠陰三月後倒影亂峯  
前吹浪游鱗小黏苔碎石圓會將胥下組換取釣  
魚船

病題二首

性靈慵懶百無能唯被朝參遣夙興聖主優容恩  
未答丹經疎濶病相陵脾傷對客偏愁酒眼暗看  
書每媿燈進與時乖不知退可憐身計漫騰騰  
人間多事本難論况是人間懶慢人不解養生何  
怪病已能知命敢辭負向空咄咄煩書字與世滔

陸香圃三間草堂藏書

滔莫問津金馬門前君識否東方曼倩是前身

寄江州蕭給事

夕郎憂國不憂身今向天涯作逐臣魂夢暗馳龍  
闕曙笑吟閑繞虎谿春朝車載酒過山寺諫紙題  
詩寄野人惆悵懦夫何足道自離羣後已同塵

和江州江中丞見寄

賈傳南遷久江關道路遙北來空見雁西去不如  
潮鼠穴依城社鴻飛在沘寥高低各有處不擬更  
相招

和鍾郎中送朱先輩還京垂寄



分司洗馬無人問  
辭客殷勤輟棹歌  
蒼蘚滿庭行徑小  
高梧臨檻雨聲多  
春愁盡付千杯酒  
鄉思遙聞一曲歌  
且共勝遊消日永  
西岡風物近如何

送郝郎中為浙西判官

大藩從事本優賢  
幕府仍當北固前  
花繞樓臺山倚郭  
寺臨江海水連天  
恐君到即忘歸日  
憶我遊曾歷二年  
若許他時作閑伴  
殷勤為買釣魚船

翰林游舍人清明日入院中塗見過余

明日亦入西省上直因寄游君

榆柳開新焰  
梨花發故枝  
鞦韆隘城市  
圭組坐曹

陸香圃三間草堂藏書

司獨對芝泥檢  
遙憐白馬兒  
禁林還視草  
氣味兩相知

陪王庶子游後湖涵虛閣

東宮園

懸圃清虛乍過秋  
看山尋水上茲樓  
輕鷗的的飛難沒  
紅葉紛紛晚更稠  
風卷微雲分遠岫  
浪搖晴日照中洲  
躋攀况有承華客  
如在南皮奉勝遊

柳枝詞十二首

把酒憑君唱柳枝  
也從絲管遞相隨  
逢春只合朝朝醉  
記取秋風落葉時  
南園日暮起春風  
吹散楊花雪滿空  
不惜楊花飛



也得愁君老盡臉邊紅  
陌上朱門柳映花簾鈎半卷綠陰斜  
憑郎暫住青  
驄馬此是錢唐小小家  
夾岸朱闌柳映樓綠波平慢帶花流  
歌聲不出長  
條密忽地風迴見采舟  
老大逢春總恨春綠楊陰裏  
最愁人舊遊一別無  
因見嫩葉如眉處處新  
濛濛堤畔柳含煙疑是陽和二月天  
醉裏不知時  
節改漫隨兒女打秋千  
水閣春來乍減寒曉粧初罷倚闌干  
長條亂拂春

陸香圃三間草堂藏書

波動不許佳人照影看  
柳岸煙昏醉裏歸不知深處有芳菲  
重來已見花  
飄盡唯有黃鸝轉樹飛  
此本仙源不是遙垂楊深處有朱橋  
共君同過朱  
橋去密映垂楊聽洞簫  
暫別揚州十度春不知光景屬何人  
一帆歸客千  
條柳腸斷東風揚子津  
仙樂春來紫舞靨清聲偏似傍嬌饒  
應緣鸞舌多  
情賴長向雙成說翠條  
鳳笙臨檻不能吹舞袖當筵亦自疑  
唯有美人多



意緒解衣芳態畫雙眉

徐騎省文集卷第二

陸香圃三間草堂藏書

徐騎省文集卷第三

詩

貶官秦州出城作

浮名浮利信悠悠四海干戈痛主憂  
三諫不從為逐客一身無累似虛舟  
滿朝權貴皆曾忤繞郭林泉已徧游  
唯有戀恩終不及半程猶自望城樓

過江

別路知何極離腸有所思登艦望城遠  
搖櫓過江遲斷岸煙中失長天水際垂  
此心非橘柚不為兩鄉移



經東都太子橋

綸闈放逐知何道  
桂苑風流且暫歸  
莫問升遷橋上客  
身謀疎拙舊心違

贈維揚故人

東京少長認維桑  
書劔誰教入帝鄉  
一事无成空放逐  
故人相見事淒涼  
樓臺寂寞官河晚  
人物稀疎驛路長  
莫怪臨風惆悵久  
十年春色憶維揚

秦州道中却寄東京故人

風緊雨淒淒川迴  
岸漸伍吳州林外  
近隋苑霧中迷聚  
散紛如此悲歡豈  
易齊料君殘酒醒  
還聽子

陸香圃三間草堂藏書

規啼

得浙西郝判官書未及報聞燕王移鎮  
京口因寄此詩問方判官田書記消息

秋風海上久離居  
曾得劉公一紙書  
淡水心情長若此  
銀鈎縱迹更無如  
嘗憂座側飛鴉鳥  
未暇江中覓鯉魚  
今日京吳建朱邨  
問君誰共曳長裾

贈陶使君求梨

昨宵宴罷醉如泥  
惟憶張公大谷梨  
白玉花鱗曾綴處  
黃金色嫩乍成時  
冷侵肺腑醒偏早  
香惹衣襟歌倍遲  
今日中山方酒渴  
唯應此物最相宜



陳覺放還至泰州以詩見寄作此答之  
朱雲曾為漢家憂不怕交親作世仇壯氣未平空  
咄咄狂言无驗信悠悠今朝我作傷弓鳥却羨君  
為不繫舟勞寄新詩平宿憾此生心氣貫清秋

王三十七自京垂訪作此送之

失鄉遷客在天涯門掩苔垣向水斜只就鱗鴻求  
遠信敢言車馬訪貧家煙生柳岸將垂縷雪壓梅  
園半是花惆悵明朝樽酒散夢魂相送到京華

陶使君挽歌二首

太守今何在行春去不歸筵空收管吹郊迴儼駢

陸香圃三間草堂藏書

駢營外星纔落園中露已晞傷心梁上燕獨解向  
人飛

始憶花前宴笙歌醉夕陽那堪城外送哀挽逐歸  
艍鈴閣朝猶閉風亭日已荒唯餘遷客泪霑洒後  
池旁

雪中作

賦分多情客經年去國心疎鐘寒郭晚密雪水亭  
深影迴鴻投渚聲愁雀噪林他鄉一樽酒獨坐不  
成斟

賦得風光草際浮



宿露依芳草春郊古陌旁風輕不盡偃日早未晞  
陽耿耿依平遠離離入望長映空无定采飄經有  
餘光颭若荷珠亂紛如燭火颭詩人多感物凝思  
繞池塘

寒食成判官垂訪因贈

常年寒食在京華今歲清明在海涯遠巷蹋歌深  
夜月隔牆吹管數枝花鶯鷺得路音塵闊鴻雁分  
飛道里賒不是多情成二十斷無人解訪貧家

送客至城西望圖山因寄浙西府中

枚叟鄒生笑語同莫嗟江上聽秋風君看逐客思

陸香圃三間草堂藏書

鄉處猶在圖山更向東

送寫真成處士入京

傳神蹤跡本來高澤畔形容媿采毫京邑功臣多  
佇望凌煙閣上莫辭勞

九日雨中

茱萸房重雨霏微去國逢秋此恨稀目極暫登臺  
上望心遙長向夢中歸荃麋路遠愁霜早兄弟鄉  
遙羨雁飛唯有多情一枝菊滿杯顏色自依依

寄外甥苗武仲

放逐今來漲海邊親情多在鳳臺前且將聚散為



閑事須信華枯是偶然  
蟬噪疎林邨倚郭  
鳥飛殘照水連天  
此中唯欠韓康伯  
共對秋風詠數篇

寄從兄憲兼示二弟

別路吳將楚  
離憂弟與兄  
斷雲驚晚吹  
秋色滿孤城  
信遠鴻初下  
鄉遙月共明  
一枝栖未穩  
迴首望三京

附書與鍾郎中因寄京妓越賓

莫春橋下手封書  
海陵橋名寄向南江問越姑  
不道諸郎少  
歡笑經年相別憶  
儂无

鍾代答

陸香圃三間草堂藏書

一幅輕綃寄海濱  
越姑長感昔時恩  
欲知別後情多少  
點點憑君看  
泪痕

亞元舍人不替深知猥貽佳作三篇清

絕不敢輕訓  
因為長歌聊以為報  
未竟復得子喬校書示問  
故兼寄陳君庶資一笑耳

海陵城裏春正月  
海畔朝陽照殘雪  
城中有客獨登樓  
遙望天邊白銀闕  
天帝以黃金白銀為宮闕  
白銀闕下何英

英雕鞍繡轂趨承明  
閭門曉闕旌旗影  
玉墀風細佩環聲  
此處追飛皆俊彥  
當年何事容疵賤  
壞鈿



盡坐紫微宮焚香夜直明光殿玉言簡靜官司閑  
朋好殷勤多往還新亭風景如東洛邛嶺林泉似  
北山光陰暗度杯盂裏職業未妨談笑間有時邀  
賓復携妓造門不問都非是酣歌叫笑驚四鄰賦  
筆縱橫動千字任他銀箭轉更籌不怕金吾司夜  
吏可憐諸貴賢且才時情物望兩无猜伊令獨稟  
狂狷性褊量多言仍薄命吞舟可漏豈無思負乘  
自貼非不幸一朝削迹為遷客旦莫青雲千里隔  
離鴻別雁各分飛折柳攀花兩无色盧龍渡口問  
迷津瓜步山前送莫春

去年三月三十日瓜步阻風

白沙江上魯路

陸香圃三間草堂藏書

青林花落何紛紛漢皇昔幸回中道

昇元中扈駕東游之路

極

目牛羊臥芳草舊宅重游盡隙荒故人相見多衰

老禪智寺山光橋風瑟瑟兮雨蕭蕭行杯已醒殘

夢斷征途未極離魂消每陵郡中陶太守相逢本

是隨行舊乍申拜起已開眉却問辛勤還執手精

廬水榭最清幽一稅征車聊駐留閉門思過謝來

客知恩省分寬離憂郡齋勝境有後池山亭茵閣

互參差有時虛左來相召舉白飛觴任所為多才太

守能搗鼓醉送金舩間歌舞酒酣耳熱眼生花暫

似京華歡會處歸來旅館還端居清風朗月夜窓



虛駸駸流景歲云莫天涯望斷故人書春來憑檻  
方歎息仰頭忽見南來翼足繫紅牋墮我前引頸  
長鳴如有言開緘試讀相思字乃是多情喬亞元  
短韻三篇皆麗絕小梅寄意情偏切

亞元詩云借問小梅應  
得信春風新自海邊來

此篇  
尤佳

金蘭投分一何堅銀鈎置袖終難滅醉後狂言

何足竒感君知己不相遺長卿曾作美人賦成

今有責躬詩

銓本春醉中贈醉妓長歌酷為喬  
君所賞來篇所引故以謝之

報章欲託

還京信筆拙紙窮情未盡珍重芸香陳子喬亦解

貽書遠相問寧須買藥療羈愁只恐無書消鄙吝

子喬問藥物所要又  
問置新書故有此句游處當時靡不同懽娛今日

陸香圃三間草堂藏書

兩成空天子尚應憐賈誼時人未要嘲揚雄曲終  
筆閣緘封已翩翩驛騎行塵起寄向朝中謝故人  
為說相思意如此

送蒯司錄歸京

早年聞有蒯先生二十餘年道不行抵掌曾論天  
下事折胷猶悟俗人情老還上國歡娛少貧聚歸  
資結束輕遷客臨流倍惆悵冷風黃葉滿山城

聞查建州陷賊寄鍾郎中

謨即查  
從事也

聞道將軍輕壯圖螺江城下委犀渠旌旗零落沉  
荒服簪履蕭條返故居皓首應全蘇武節故人誰



得李陵書自憐放逐无長策空使盧諶泪滿裾

還過東都留守周公筵上贈座客

賈生三載在長沙故友相思道路賒已分終年甘  
寂寞豈知今日返京華麟符上相思偏厚隋苑留  
歡日欲斜明日江頭倍惆悵遠山芳草映殘霞

送楊郎中唐員外奉使湖南

江邊微雨柳條新握節含香二使臣兩綬對懸雲  
夢日方舟齊汎洞庭春今朝草木逢新律昨日山  
川滿戰塵同是多情懷古客不妨為賦弔靈均

表弟包穎見寄

此子侍親在饒州累年臥疾

陸香圃三間草堂藏書

嘗思帝里奉交親別後光陰屈指頰蘭佩却歸綸  
閣下荆枝猶寄楚江濱十程山水勞幽夢滿院煙  
花醉別人料得此生強健在會須重賞昔年春

和

平生中表最情親浮世那堪聚散頻謝朓却吟歸  
省閣劉楨猶自卧漳濱舊游半似前生事要路多  
逢後進人且喜新吟報強健明年相望杏園春

寄蕭給事

蕭江西致仕

危言危行古時人歸向西山卧白雲買宅尚尋徐  
處士滄霞終訪許真君容顏別後應如故詩詠年



來更不聞今日城中春又至落梅愁緒共紛紛

送鍾員外詩序

歲辛亥冬十月天子命吾友德林為東府亞尹太弟諭德蕭君洎諸客餞于石頭城雲日蒼茫園林搖落樽酒將竭征帆欲飛處者眷眷而不能迴行者遲遲而不忍去煙生景夕風靜江平君子曰公足以減私子當促棹詩所以言志我當分題故以風月松竹山石寄情于贈別云尔兵部員外郎知制誥徐鉉序

賦石奉送德林少尹員外 鉉上

陸香圃三間草堂藏書

我愛他山石中含絕代珍煙披寒落落沙淺靜磷磷翠色辭文陛清聲出泗濱扁舟歸載去知是汎槎人

賦月

蕭或上

麗漢金波滿當筵玉笋傾因思頻聚散幾復換虧盈光澈離襟冷聲符別管清那堪還目此兩地倚樓情

賦竹

孫峴上

萬物中蕭洒脩篁獨逸羣貞姿曾冒雪高節欲凌雲細韻風初發濃煙日正曛因題偏惜別不可暫



無君

賦松

謝仲宣上

送人多折柳唯我獨吟松若係歲寒在何妨霜雪  
重森梢逢靜境廓落見高峯還似君高節亭亭豈  
繼蹤

賦風

王沂上

靜追蘋末興况復值蕭條猛勢資新雁寒聲伴莫  
潮過山雲散亂經樹葉飄飄今日煙江上征帆望  
望遙

賦山別諸知己

鍾蒨上

陸香圃三間草堂藏書

莫景江亭上雲山日望多只愁辭輦轂長恨隔嵯  
峨有意圖功業无心憶薜蘿親朋將遠別且共醉  
笙歌

贈秦州掾令狐克已

文公曾孫

念子才多命且奇亂中拋擲少年時深藏七澤衣  
如雪却見中朝髻似絲舊德在人終遠大扁舟為  
吏莫推辭孤芳自愛凌霜處詠取文公白菊詩  
送荻栽與秀才朱觀

羨子清吟處茅齋面碧流解憎蓮艷俗唯欠荻花  
幽鶯立佞枝晚風驚折葉秋贈君須種取不必樹



忘憂

使浙西先寄獻燕王侍中

京江風靜喜乘流極目遙瞻萬歲樓喜氣龍蔥甘露晚水煙波淡海門秋五年不見鸞臺長明日將陪兔苑遊欲問平臺門下吏相君還許吐茵不

常州驛中喜雨

颼颼旱天雨涼風一夕迴遠尋南畝去細入驛亭來蓑唱牛初收漁歌棹正開盈庭頓無事歸思酌金壘

驛中七夕

陸香圃三間草堂藏書

七夕雨初霽行人正憶家江天望河漢水館折蓮花獨坐涼何甚微吟月易斜今年不乞巧鈍拙轉堪嗟

贈浙西顧判官

盛府賓寮八十餘閉門高卧興无如梁王苑裏相逢早潤城浦中得信疎狼籍杯盤重會面風流才調一如初願君百歲猶強健他日相尋隱士廬

贈浙西妓亞仙

筵上作

翠黛嚔如怨朱顏醉更春占將南國兒惱殺別家人粉汗沾巡盞花鈿逐舞茵明朝綺窓下離恨兩



殷勤

迴至瓜洲獻侍中

紫微垣裏舊賓從  
來向吳門謁府公  
奉使謬持嚴助節  
登門初識魯王宮  
笙歌隱隱違離後  
煙水茫茫悵望中  
日莫瓜洲江北岸  
兩行清泪滴西風

邵伯埭下寄高郵陳郎中

故人相別動經年  
候館相逢倍慘然  
願我飲冰難輟棹  
感君扶病為開筵  
河灣水淺翹愁鷺  
柳岸風微噪莫蟬  
欲識酒醒魂斷處  
謝公祠畔客亭前

謫居舒州累得韓高二舍人書作此寄之

陸香圃三間草堂藏書

三峯煙靄碧臨谿  
中有騷人理釣絲  
會友少于分袂日  
謫居多却在朝時  
丹心歷歷吾終信  
俗慮悠悠尔不知  
珍重韓君与高子  
殷勤書札寄相思

以潛曉天  
柱為三峯

和張先輩見寄二首

去國離羣擲歲華  
病容憔悴媿丹沙  
谿連舍下衣長潤  
山帶城邊日易斜  
幾處垂鈎依野岸  
有時披褐到鄰家  
故人書札頻相慰  
誰道西京道路賒  
清時淪放在山州  
邛竹紗巾處處游  
野日蒼茫悲鵬舍  
水風陰濕弊貂裘  
雞鳴候旦寧辭晦  
松節凌



霜幾換秋兩首新詩千里道感君情分獨知止

印秀才至舒州見尋別後寄詩依韻和

羈游白社身雖屈高步辭場道不卑投分共為知  
我者相尋多媿謫居時離懷耿耿年來夢厚意勤  
勤別後詩今日谿邊正相憶雪晴山秀柳絲垂

行園樹

松節凌霜久蓬根逐吹颿羣生各有性桃李但爭春

題雷公井

揜靄愚公谷蕭寥羽客家俗人知處所應為有苑花  
送彭秀才

陸香圃三間草堂藏書

賈生去國已三年短褐閑行皖水邊盡日野雲生  
舍下有時京信到門前無人與和投湘賦媿子來  
浮訪戴船滿袖新詩好迴去莫隨騷客醉林泉

移饒州別周使君

正憐東道感賢侯何幸南冠脫楚囚皖伯臺前收  
別宴喬公亭下艤行舟四年去國身將老百郡徵  
兵主尚憂更向鄱陽湖上去青山憔悴泪交流

避難東歸依韻和黃秀才見寄

感感逢人問所之東流相送到京畿自甘逐客紉  
蘭佩不料平民着戰衣樹帶荒邨春冷落江澄霽



色霧霏微時危道喪無才術空手徘徊不忍歸  
太原郭夫子行高文炳蔚弱齡負世譽一舉游月窟  
仙籍第三人時人故稱屈昔余吏西省傾蓋名籍籍  
及我竄羣舒向風心鬱鬱歸來莫江上雲霧一披拂  
雷雨不下施猶作池中物念君介然氣感時思奮發  
示我數篇文與古爭馳突縲采燦英華理深刮肌骨  
古詩尤精奧史論皆宏拔舉此措諸民何憂民不活  
吁嗟吾道薄與世長迂闊顧我徒有心數竒身正絀  
論兵屬少年經國須儒術夫子

陸香圃三間草堂藏書

無自輕蒼生正愁疾

和集賢鍾郎中

石渠冊府神仙署當用明朝第一人  
晉下別懸新印綬座中皆是故交親  
龍池樹色供清景浴殿香風接近隣  
從此翻飛應更遠徧尋三十六天春

送劉山陽

舊族知名士朱衣宰楚城  
所嗟吾道薄豈是主恩輕  
戰鼓何時息儒冠獨自行  
此心多感激相送若為情

題伏龜山北隅



茲山信岑寂陰崖積蒼翠水石何必多宛有千岩  
意孰知近人境旦莫含佳氣池影搖輕風林光澹  
新霽支願藉芳草自足忘世事未得歸去來聊為  
宴居地

送黃梅江明府

江前為江夏令有善政  
今更宰小邑賦詩留別

作此  
和之

封疆多難正經綸臺閣如何不用君江上又勞為  
小邑篋中徒自有雄文書生膽氣人誰信遠俗歌  
謠主不聞一首新詩无限意再三吟詠向秋雲

詠梅子真送郭先輩

陸香圃三間草堂藏書

忠臣本愛君仁人本愛民寧知貴與賤豈計名與  
身梅生為一尉獻疏來君門君門深萬里金虎重  
千鈞向永且不用劉向况復論子真拂衣遂長往  
高節邈无鄰至今仙籍中謂之梅真人郭生負逸  
氣百代繼遺塵進退生自知得喪吾不陳斯民苟  
有幸期子一朝伸

和蕭郎中平日見寄

細雨輕風采藥時褰簾隱几更何為豈知澤畔紉  
蘭客來赴城中角黍期多罪靜思如剉蘼赦書纔  
聽似含飴謝公制勝嘗閑暇願接西州敵手棋



送黃秀才姑熟辟命  
世亂離情苦家貧色養難水雲孤棹去風雨暮春  
寒幕府才方急騷人泪未乾何時王道泰萬里看  
鵬搏

送王四十五歸東都

海內兵方起離筵泪易垂憐君負米去惜此落花  
時想憶看來信相寬指後期殷勤手中柳此是向  
南枝

和太常蕭少卿近郊馬上偶吟

田園經雨綠分畦飛蓋閑行九里堤拂袖清風塵

陸香圃三間草堂藏書

不起滿川芳草路如迷林開始覺晴天迴潮上初  
驚浦岸齊怪得仙郎詩句好斷霞殘照遠山西

又和

抱瓮何人灌藥畦金銜為尔駐平堤邨橋野店景  
无限綠水晴天思欲迷橫笛乍隨輕吹斷歸帆疑  
與遠山齊鳳城迴望真堪画萬戶千門蔣嶠西

拋毬樂詞二首

歌舞送飛毬金觥碧玉籌管弦桃李月簾幕鳳皇  
樓一笑千場醉浮生任白頭

灼灼傳花枝紛紛度画旗不知紅燭下照見采毬



飛借勢因期尅巫山暮雨歸

離歌辭五首

莫折紅芳樹但知盡意看狂風幸无意那忍折教殘  
朝日城南路旌旗照綠蕪使君何處去桑下覓羅敷  
事与年俱往情將分共深莫驚容髻改只是舊時心  
暫別勞相送佳期願莫違朱顏不須老留取待郎歸  
拂匣收珠佩迴燈拭薄粧莫嫌春夜短匹似楚襄王

夢游三首

寃夢悠揚不奈何夜來還在故人家香濛蠟燭時  
時暗爭映屏風故故斜檀的慢調銀字管雲鬟亓

陸香圃三間草堂藏書

綴折枝花天明又作人間別洞口春深道路賒  
繡幌銀屏香靄間若非寃夢到應難牕前人靜偏  
宜夜戶內春濃不識寒蘸甲遞觴纖似玉含詞忍  
與膩於檀錦書若要知道名字滿縣花開不姓潘  
南國佳人字玉兒芙蓉雙臉遠山眉仙郎有約長  
相憶阿母无猜不得知夢裏行雲還倏忽暗中携  
手乍疑遲因思別後開牕下織得迴文幾首詩

徐騎省文集卷第三

徐騎省文集

卷三

十七



陸香圃三間草堂藏書

徐騎省文集卷第四

詩

和蕭少卿見慶新居

湘浦懷沙已不疑  
京城賜第豈前期  
鼓聲到晚知坊遠  
山色來多與靜宜  
簪履尚應憐故物  
稻粱空自媿華池  
新詩問我偏饒思  
還念鷓鴣得一枝

又和

驚蓬偶駐知多幸  
斷雁重聯愜素期  
當戶小山如舊識  
上墻幽蘚最相宜  
清風不去因栽竹  
隙地无多也鑿池  
更喜良隣有佳樹  
綠陰分得近南枝



送勳道人之建安

下國兵方起君家義獨聞若為輕世利歸去臥溪  
雲挂席衝嵐翠携筇破薛紋離情似霜葉江上正  
紛紛

送許郎中歙州判官兼黟縣

嘗聞黟縣似桃源况是優游冠玳筵遺愛非遙應  
臥理許嘗宰祖風猶在好尋仙許宣平黟人得道朝衣舊  
識熏香吏祿米初營種秫田大宦宦游須自適莫  
辭離別二三年

送彭秀才南游

陸香圃三間草堂藏書

問君孤棹去何之玉筍春風楚水西山上斷雲分  
翠靄林間晴雪入澄溪琴心酒趣神相會道士仙  
童手共携他日清時更隨計莫如劉阮洞中迷

和明上人除夜見寄

酌酒圍爐久愁襟默自增長年逢歲莫多病見兵  
興夜色開庭燎寒威入硯冰湯師无別念吟坐一  
燈凝

正初和鄂州邊郎中見寄

潦倒含香客淒涼賦鵬人未能全卷舌終擬學垂  
綸故友睽離久音書問訊頻相思俱老大又見一



年新

劉司直出宰送

之子有雄文風標秀不羣  
低飛從墨綬逸志在青雲  
柳色臨流動春光到縣分  
賢人多靜理未與醉醺醺

送從兄赴臨川幕

梁王籍寵就東藩還召鄒  
枚坐兔園今日好論天下  
事昔年同受主人恩石頭  
城下春潮滿金柅亭邊綠  
樹餘唯有音書慰離別一  
杯相送別無言

送龔員外赴江州幕

陸香圃三間草堂藏書

煩君更上築金臺世難民  
勞藉俊才自有聲名馳羽  
檄不妨談笑奉尊壘元規  
樓迴清風滿匡俗仙春畫  
障開莫忘故人離別恨海  
潮迴處寄書來

送朱先輩尉廬陵

我重朱夫子依然見古人  
成名無愧色得祿及慈親  
莫歎官資屈寧論活計負  
平生心氣在終在靜邊塵

送德林郎中學士赴東府詩序

德林始以才術優贍入參  
近司旋以地望清雅寵登  
書殿會東畿克復上以君  
有遺愛於淮海之都



故輟侍從之班攝尹正之任吾一二親友共餞行舟鉉也不才詩以言贈理大國若烹小鮮言不可撓之也况亂後乎德林當本仁守信體寬務斷大兵之后民各思又聽其自理任其自營為之上者導其蒙過其淫而已示之以聰明則民益迷拘之以禁令則民重困弃仁則吏暴失信則衆惑急則民傷不斷則民懈慎此四者何往而不減噫嘻吾黨皆忘形者也平生以來胥會者幾何思當雞犬相聞舟輿不接開口而笑携手而遊在吾輩勉之而已忘身殉國急病諱夷德林此行宜減離戀盍

陸香圃三間草堂藏書

各賦一物以為贈乎九月十七日序

得江 奉送德林郎中學士 喬舜上

摻袂向江頭朝宗勢未休何人乘桂楫之子過揚州  
颺颺翹沙雁漂漂逐浪鷗欲知離別恨半是泪和流

得酒 徐鉉上

酌此杯中物茱萸滿把秋今朝將送別他日是忘憂世亂方多事年加易得愁政成頻一醉亦未減風流

得菊 蕭或上



離情折楊柳此別異春哉含露東籬艷汎香南浦  
杯惜持行次贈留挿醉中迴莫齒如能制玉山甘  
判頽

得遠山

徐錯上

瓜步妖氛滅崑岡草樹清終朝空極望今日送君  
行報政秋雲靜微吟曉月生樓中長可見持用減  
離情

得水

陳元裕上

上善湛然秋恩波洽帝猷漫言生險浪豈爽見安  
流汎去星槎遠澄來月練浮滔滔對離酌入浴稱

陸香圃三間草堂藏書

仙舟

得新鴻別諸同志

鍾禕上

隨陽來萬里點點度遙空影落長江水聲悲半夜  
風殘秋辭絕漠无定似驚蓬我有離羣恨飄飄類  
此鴻

送陳先生之洪井寄蕭少卿

聞君仙袂指洪崖我憶情人別路賒知有歡娛遊  
楚澤更無書札到京華雲間驛閣連江靜春滿西  
山移漢斜此處相逢應見問為言搔首望龍沙

送龔明府九江歸寧



茂宰隳官去扁舟著采衣  
湓城春酒熟斤阜野花  
稀解纜垂楊綠開帆宿  
鷺飛一朝吾道泰還逐  
落潮歸

和江西蕭少卿見寄二首

凶羊岐路媿司南二紀窮  
通聚散三老去何妨從  
笑傲病來看欲懶朝參  
離腸似線嘗憂斷世態  
如湯不可探珍重加飡  
省思慮時時斟酒壓山  
嵐身遙上國三千里名  
在朝中二十春金印不  
須辭入幕麻衣曾此歎  
迷津卷舒由我真齊物  
憂喜忘心即養神世路  
風波自翻覆虛舟無計  
得沈淪

陸香圃三間草堂藏書

送薛少卿赴青陽

我愛陶靖節吏隱從弦歌  
我愛費徵君高卧歸九  
華清風激頽波來者無  
以加我志兩不遂漂淪  
浩无涯數竒時且亂此圖  
今愈賒賢哉薛夫子高  
舉凌晨霞安民即是道  
投足皆為家功名与權位  
悠悠何用誇携朋出遠郊  
酌酒籍平沙雲收遠天淨  
江闊片帆斜離懷與企羨  
南望長咨嗟

送高起居之涇縣

右史罷朝歸之官向水涓  
別我行千里送君傾一  
卮酒罷長歎息此歎君應  
悲亂中吾道薄御族舊



人稀胡為佩銅墨  
公此白玉墀  
吏事豈所堪  
民病何可醫  
臧用清其心  
此外慎勿為  
縣郭有佳境  
千峯谿水西  
雲樹杳迴合  
岩巒互蔽虧  
彈琴坐其中  
世事吾不知  
時時寄書札  
以慰長相思

宿茅山寄舍弟

茅許稟靈氣  
一家同上賓  
仙山空有廟  
舉世更無人  
獨往誠違俗  
浮名亦累真  
當年各自勉  
雲洞鎮長春

晚憩白鶴廟寄句容張少府

日入林初靜  
山空暑更寒  
泉鳴細岩竇  
鶴唳眇雲

陸香圃三間草堂藏書

端拂榻安碁局  
焚香戴道冠  
望君殊不見  
終夕凭闌干

題紫陽觀

南朝名士富  
仙才追步東  
鄉遂不迴丹  
井自深桐暗  
老祠宮長在  
霍頻來岩邊  
桂樹攀仍倚  
洞口桃花落  
復開惆悵霓  
裳太平事一  
函真跡鏤  
昭臺

贈奚道士

含象

先生曾有洞天期  
猶傍天壇摘紫芝  
處世自能心混沌  
全真誰見德支離  
玉霄塵閉人長在  
金鼎功成俗未知  
他日鸞輪謁茅許  
願同雞犬去相隨



題碧岩亭贈孫尊師

絕境何人識高亭萬象含  
凭軒臨樹杪逆目極天  
南積靄生泉洞歸雲鑠石龕  
丹霞披翠巘白鳥帶  
晴嵐仙去留虛室龍婦漲碧潭  
幽岩君獨愛玄味  
我曾耽世上愁何限人間事  
久諳終須脫羈鞅來  
此會空談

題白鶴廟

平生心事向玄關一入仙鄉  
是舊山白雀唳空晴  
眇眇丹砂流澗莫潺潺嘗嗟  
多病嫌中藥擬問真  
經乞小還滿洞煙霞互陵亂  
何峯臺榭是蕭閑

陸香圃三間草堂藏書

步虛詞五首

氣為還元正心由抱一靈凝神歸罔象飛步入青  
冥整服乘三素旋網躡九星瓊章開后學稽首奉  
真經

天帝黃金闕真人紫錦書霓裳紛蔽景羽服迴陵  
虛白鶴能為使斑麟解駕車靈符終願借轉共世  
情疎

聖主過幽谷虛皇在藥宮五千宗物母七字秘神  
童世上金壺遠人間玉籥空唯餘養身法脩此與  
天通



何處求玄解人間有洞天  
勤行皆是道謫下尚為  
仙蔽景乘朱鳳排虛駕  
紫煙不嫌園吏傲願在玉  
宸前  
三素霏霏遠盟威凜凜  
寒火鈴空滅沒星斗曉  
闌干佩響流虛殿爐煙  
在醮壇蕭寥不可極驂  
駕上雲端

留題

瑤壇醮罷晚雲開羽客  
分飛俗士迴為報移文  
不須勒未曾游處待重  
來

和陳洗馬山莊新泉

陸香圃三間草堂藏書

已開山館待抽簪更要  
岩泉欲洗心嘗被松風  
迷細韻忽流花片落高  
岑便疏淺瀨穿莎徑始  
有清光映竹林何日煎  
茶醞香酒沙邊同聽暝  
猿吟

奉和七夕應令

今宵星漢共晶光應笑  
羅敷嫁侍郎斗柄易傾  
離促恨河流不盡後期  
長靜聞天籟疑鳴佩醉  
折荷花想艷粧誰見宣  
猷堂上宴一篇清韻振  
金鐺

又和八日

微雲疎雨淡新秋曉夢  
依稀十二樓故作別離  
應有以擬延更漏共无  
由那教人世長多恨未  
必天



仙不解愁博望苑中殘酒醒香風佳氣獨遲留

和印先輩及第後獻座主朱舍人郊居

之作

成名郊外掩柴扉樹影蟬聲共息機積雨暗封青

蘚徑好風輕透白疎衣嘉魚始賦人爭誦荆王頻

收國自肥獨坐公廳正煩暑喜吟新詠見玄微

以印

南有嘉魚賦及第

和致仕張尚書新創道院

梓澤成新致金丹有舊情挂冠朝睡足隱几莫江

清藥圃分輕綠松牕起細聲養高寧厭病默坐對

陸香圃三間草堂藏書

諸生

尚書時有瘡疾

和尉遲贊善秋莫僻居

登高節物最堪憐小嶺疎林對檻前輕吹斷時雲

縹緲夕陽明處水澄鮮江城秋早催寒事望苑朝

稀足晏眠庭有菊花尊有酒若方陶令媿猶賢

和陳贊善致仕還京口

海門山下一漁舟中有高人未白頭已駕安車歸

故里尚通閨籍在龍樓泉聲漱玉牕前落江色和

煙檻外流今日君臣厚終始不須辛苦盡雙牛

京使迴自臨川得從兄書寄詩依韻和



珍重還京使殷勤話故人別離長挂夢寵祿不闕  
身趣向今成道聲華絕舊塵莫嗟容鬢老詩句逐  
時新

陪鄭王相公賦簷前垂冰應教依韻

牕外虛明雪乍晴簷前垂雷盡成冰長廊瓦疊行  
行密晚院風高寸寸增玉指乍拈簪尚媿金塔時  
墜磬難勝晨冷堪醒曹參酒自恨空腸病不能

送禮部潘尚書致仕還建安

名遂功成累復輕鱸魚因起舊鄉情履聲初下金  
華省帆影看離石首城化劍津頭尋故老同亭會

陸香圃三閩草堂藏書

上問仙卿冥鴻高舉真難事相送何須泪滿纓

和尉遲贊善病中見寄

仙郎移病暑天過却似冥鴻避爵羅晝夢乍驚風  
動竹夜吟時覺露霑莎情親稍喜貧居近性懶猶  
嫌上直多望苑恩深期勿藥青雲岐路未蹉跎

池州陳使君見示游齊山詩因寄

往歲曾遊弄水亭齊峯濃翠莫軒橫哀猿出檻心  
雖喜傷鳥聞弦勢易驚病後簪纓殊寡興老來泉  
石倍關情今朝池口風波靜遙賀山前有舊聲

再領制誥和王明府見賀



蹇步還依列宿邊，拱辰重認舊雲天。  
自嗟多難飄零困，不似當年瞻氣全。  
雞樹晚花疎向日，龍池輕浪細含煙。  
從來不解為身計，一葉悠悠任大川。

送高舍人使嶺南

西掖官曹近南溟，道路遙使星將渡。  
漢仙棹乍乘潮，柳映靈和折梅依大庾。  
飄江帆風淅淅，山館雨蕭蕭。  
陸賈真迂濶，終童久寂寥。  
送君何限意，把酒一長謠。

和王明府見寄

時情世難消，吾道薄宦流。  
年厄此身莫歎京華同。

陸香圃三間草堂藏書

寂寞曾經兵革共，漂淪對山開戶。  
唯求靜蕢酒留賓，不道負善政空多。  
尚淹屈不知誰是解憂民。

和方泰州見寄

逐客棲棲重入京，舊愁新恨兩難勝。  
煙收楚塞千山雪，風結秦淮一尺冰。  
置醴筵空情豈盡，投湘文就思如凝。  
更殘月落知孤坐，遙望船牕一點星。

文獻太子挽歌辭五首

國有承祧重人知，秉哲尊清風來望苑遺。  
烈在東藩此日升，緱嶺何因到寢門。  
天高不可問煙靄，共昏昏



夏啟吾君子周儲上帝賓音容一飄忽功業自紛  
綸露泣承華月風驚麗正塵空餘商嶺客行哭下  
宜春  
出處成交讓經綸有大功泪碑瓜步北棠樹蒜山  
東百揆方時叙重離遂不融故臣偏感咽曾是歎  
三窮  
甲觀光陰促園陵天地長蕭笳咽无韻賓御哭相  
將盛烈傳彞鼎遺文被樂章君臣知己分零泪亂  
无行  
采仗清晨出非同齒冑時愁煙鏤平甸朔吹繞寒

陸香圃三間草堂藏書

枝楚客來何補緱山去莫追迴瞻飛盖處揜袂不  
勝悲

送王員外宰德安

家世朱門貴官資粉署優今為百里長應好五峯  
游柳影連彭澤湖光接庾樓承明須再入官滿莫  
淹留

以端谿硯訓張員外水精珠兼和來篇  
請以端谿潤訓君水玉明方圓雖異器功用信俱  
呈自得山川秀能分日月精巾箱各珍重所貴在  
交情



奉使九華山中塗遇青陽薛郎中

故人相別動相思此地相逢豈素期九子峯前開  
未得五谿橋上坐多時甘泉從幸余知忝宣室徵  
還子未遲且飲一杯消別恨野花風起漸離披

奉命南使經彭澤

值王明府  
不在留此

遠使程途未一分離心嘗要醉醺醺那堪彭澤門  
前立黃菊蕭疎不見君

南都遇前嘉魚劉令言游閩嶺作此與之

我持使節經韶石君作閑游過武夷兩地山光成  
獨賞隔年鄉思暗相知洪崖壇上長岑寂孺子亭

陸香圃三間草堂藏書

前自別離珍重分歧一杯酒強加飡餽數吟詩

閣阜山

殿影高仞雲揜映松陰繚繞步徘徊從今莫厭簪  
裾累不是乘輶不得來

玉笥山留題

仙鄉會應遠王事知何極征傳莫辭勞玉峯聊一  
息形骸已銷散心想都凝寂真氣自清虛非闕好  
松石九仙皆積學洞壑多遺跡遊子歸去來胡為  
但征役

廣陵別朱觀先輩



桂籍知名有幾人，翻飛相續上青雲。  
解憐才子寧唯我，遠作卑官尚見君。  
嶺外獨持嚴助節，宮中誰薦長卿文。  
新詩試為重高詠，朝漢臺前不可聞。  
文或少卿文山郎，中交好深至二紀。  
已餘睽別數年，二子長逝奉使嶺表。  
塗次南康，弔孫氏之孤于其家，覩文或手書於僧室，慷慨悲歡，歎留題此詩。

陸香圃三間草堂藏書

孫家虛座弔諸孤，張叟僧房見手書。  
一紀歡遊今若此，滿衣零泪欲何如。  
晉間金印從如斗，鏡裏霜華已滿梳。  
珍重遠公應笑我，塵心唯此未能除。

朱處士相與有山水之願，見送至南康。

作此以別之。

憐君送我至南康，更憶梅花庾嶺芳。  
多少仙山共遊在，願君百歲尚康強。

清明日清遠峽作

嶺外春過半塗中，火又新舫動清遠。  
峽留戀北歸人，迴至南康題紫極宮。  
衷道士房

王事信靡盬，飲冰安足辭。  
胡為擁征傳，乃至天南陲。  
天南非我鄉，留滯忽踰時。  
還經羽人家，豁若雲霧披。  
何以寬吾懷，老莊有微詞。  
達士无不可，至人



豈偏為客愁勿復道為君吟此詩

和歙州陳使君見寄

新安風景好時令肅轅門身貴心彌下功多口不言  
韜鈴家法在儒雅素風存簪履陪游盛鄉閭俗  
化彰臨牕山色秀繞郭水聲喧纖絡文章麗矜嚴  
道義尊樓臺秋月靜京庾晚雲屯曉吹傳衙鼓晴  
陽展信旂一篇貽友好千里倍心論未見歸驂動  
空能役夢覓

和賈員外戩見贈玉蘂花栽

瓊瑤一簇帶花來便斲蒼苔手自栽喜見唐昌舊

陸香圃三間草堂藏書

顏色為君判病酌金壘

光穆皇后挽歌三首

仙馭期難改坤儀道自光闕宮新表德沙麓舊膺  
祥素帟堯門揜凝笳畢陌長東風慘陵樹无復見  
親桑

永樂留虛位長陵啟夕扉返虞嚴吉仗復土揜空  
衣功業投三母光靈極四妃唯應彤史在不與露  
花晞

隱隱闔門路煙雲曉更愁空瞻金輅出非是濯龍  
游德感人倫正風行內職脩還隨偶物化同此畏



軒丘

嚴相公宅牡丹

但是豪家重牡丹  
爭如丞相閣前看  
鳳樓日暖開  
偏早雞樹陰濃  
謝更難數  
孕已應迷國艷  
一枝何  
幸上塵冠  
不知更許憑闌否  
爛熳春未肯殘

侍宴賦得歸雁

夜靜羣動息  
翩翩一雁歸  
清音天際遠  
寒影月中微  
何處雲同宿  
長空雪共飛  
陽和嘗借便  
免與素心違

又賦早春書事

苑裏芳華早  
皇家勝事多  
弓聲達春氣  
奕思養天

陸香圃三間草堂藏書

和煖酒紅爐火  
浮舟綠水波  
雪晴農事起  
擊壤聽  
賡歌

薔薇詩一首十八韵呈

東海侍郎

太尉中書令鄭王

從善

綠影覆幽池  
芳菲四月時  
管弦朝夕興  
組繡百年  
枝盛引墻看  
徧高煩架  
屢移露輕濡  
采筆蜂誤拂  
吟艷日照玲瓏  
幔風搖翡翠  
帷早紅飄  
蘇地狂蔓  
挂蛛絲嫩刺  
牽衣細新條  
窳草垂晚香  
難暫捨嬌  
態自相窺  
深淺分前后  
容華互感哀  
尊前留客夕  
月下欲歸遲  
何處繁臨砌  
誰家密映籬  
絳羅房燦



爛碧玉葉參差分得殷勤種開來遠近知晶熒歌  
袖袂柔弱舞膏支膏麝誰將比庭萱自合啜勻粧  
低水鑑泣泪滴煙靄畫擬憑梁廣名宜亞楚姬寄  
君十八韻思拙媿新奇

依韻和令公大王薔薇詩

綠樹成陰後羣芳稍歇時誰將新濯錦挂向最長  
枝卷箔香先入凭闌影任移賞頻嫌酒渴吟苦怕  
霜鬢架迴籠雲幄庭虛展繡帷有情縈舞袖無力  
胷游絲嫩葢鶯偷采柔條柳伴垂荀池波自照梁  
苑客嘗窺玉李尋皆謝金桃亦暗衰花中應獨賞

陸香圃三間草堂藏書

庭下故開遲委艷粧苔砌分華借槿籬低昂均灼  
爍濃淡疊參差幸植王宮裏仍逢宰府知芳心向  
誰許醉態不能支芍藥天教避玫瑰衆共嗤光明  
烘畫景潤膩裛輕靄似期神女珍加重衛姬君  
王偏屬詠七子盡搜奇

和門下殷侍郎新茶二十韻

暖吹入春園新芽競粲然才教鷹嘴拆未放雪花  
妍荷杖青林下携筥旭景前采茶源在日未出前孕靈滋雨  
露鍾秀自山川碾后香彌遠烹來色更鮮名隨上  
地貴味逐水泉逸力藉流黃暖形模紫筍圓茶之美者



有圓捲 正當鑽柳火遙想湧金泉陽羨茶山有金

紫筍 任道時新物須依古法煎輕甌浮綠乳孤竈散餘

煙甘蕻非予匹宮槐讓我先槐芽亦可為茶竹孤空冉冉

荷弱漫田田解渴消殘酒清神減夜眠十漿何足

饋百榼盡堪捐采擷唯憂晚營求不計錢任公因

焙顯陸氏有經傳愛甚真成癖嘗多合得仙亭臺

虛靜處風月艷陽天自可臨泉石何妨雜管弦東

山似蒙頂願得從諸賢

徐騎省文集卷第四

陸香圃三間草堂藏書

徐騎省文集卷第五

詩

春雪應制

繁陰連曙景瑞雪洒芳辰勢密猶疑臘風和始覺  
春縈林開玉蕊飄座裏香塵欲識宸心悅雲謠慰  
兆人

進雪詩

欲使新正識有年故飄輕絮伴春還近看瓊樹籠  
銀闕遠想瑤池帶玉闌潤逐麴麴鋪綠野暖隨杯  
酒上朱顏朝來花萼樓中宴數曲賡歌雅頌間



自題山亭三首

簪組非無累園林未是歸世喧長不到何必故山  
薇小舫行乘月高齋卧看山退公聊自足爭敢  
望長閑 跂石仍臨水披襟復挂冠機心忘未得  
碁局與漁竿

和陳表用員外求酒

暑天頻雨亦頻晴簾外閑雲重復輕珍重一壺酬  
絕唱向風遙想醉吟聲

奉和右省僕射西亭高卧作

院靜蒼苔積庭幽怪石歌蟬聲當檻急虹影向簷

陸香圃三間草堂藏書

垂晝漏猶憐永叢蘭未覺衰疎篁巢翡翠折葦覆  
鷓鴣對酒襟懷曠圍碁旨趣遲景皆隨所尚物各  
遂其宜道與時相會才非世所羈賦詩貽座客秋  
事尔何悲

憶新淦觴池寄孟賓于員外

往年淦水駐行軒引得清流似月圓自有谿光還  
碧甃不勞人力遞金船潤滋苔蘚欺茵席聲入杉  
松當管弦珍重詩人頻管領莫教塵土咽潺潺  
右省僕射後湖亭閑宴鉉以宿直先歸

賦詩留獻



湖上一陽生虛亭啟高宴楓林煙際出白鳥波心  
見主人忘貴達座客容疵賤獨慙殘照催歸宿明  
光殿

送孟賓于員外還新淦

暫來城闕不從容却佩銀魚隱玉峯雙澗水邊歌  
醉石九仙臺下聽風松題詩翠壁稱逋客采藥春  
畦狎老農野鶴乘軒雲出岫不知何日再相逢

孟君別後相續寄書作此訓之

多病怯煩暑短才憂近職跂足北牕風遙懷浩無  
極故人易成別詩句空相憶尺素寄天涯淦江秋

陸香圃三間草堂藏書

水色

納后夕侍宴

天上軒星正雲間湛露垂禮容過渭水宴喜勝瑤  
池采霧籠花燭升龍肅羽儀君臣歡樂日文物盛  
明時簾卷銀河轉香凝玉漏遲華封傾祝意觴酒  
與聲詩

又三絕

時平物茂歲功成重翟排雲到玉京四海未知春  
色至今宵先入九重城  
銀燭金爐禁漏移月輪初照萬年枝造舟已似文



王事卜世應同八百期  
漢主承乾帝道光天家花燭宴昭陽六衣盛禮如  
金屋采筆分題似柏梁

北苑侍宴雜詠詩

竹

勁節生宮苑虚心奉豫遊自然名價重不羨渭川侯

松

細韻風中遠寒青雪後濃繁陰堪避雨效用待東封

水

碧草垂低岸東風起細波橫汾從遊宴何謝到天河

陸香圃三間草堂藏書

風

昨朝纔解凍今日又開花帝力無人識誰知玩物華

菊

細麗披金采氛氲散遠馨汎杯頻奉賜緣解制顏齡

柳枝辭十首

座中應制

金馬辭臣賦小詩梨園子弟唱新詞君恩還似東  
風意先入靈和蜀柳枝

百草千花共待春綠楊顏色最驚人天邊雨露年  
年在上苑芳華歲歲新  
長愛龍池二月時氄氄金線弄春姿假饒葉落枝



空後更有梨園笛裏吹  
綠水成文柳帶搖東風初到不鳴條  
龍舟欲過偏留戀萬縷輕絲拂御橋  
百尺長條婉麴塵詩題不盡畫難真  
憑君折向人間種還似君恩處處春  
風暖雲開晚照明翠條深映鳳皇城  
人間欲識靈和態聽取新詞玉管聲  
醉折垂楊唱柳枝金城三月走金羈  
年年為愛新條好不覺蒼華也似絲  
新看花柳競芳姿偏愛垂楊拂地枝  
天子偏教詞

陸香圃三間草堂藏書

客賦宮中要唱洞簫詞  
凝碧池頭蘸翠連鳳皇樓畔簇晴煙  
新詞欲詠知難詠說與雙成入管弦  
侍從甘泉與未央移舟偏要近垂楊  
櫻苑未綻梅先老折得柔條百尺長

奉和宮傳相公懷舊見寄四十韻

謝傳功高德望全鸞臺初下正蕭然  
搏風乍息三千里感舊重懷四十年  
西掖新官同賈馬南朝興運似開天  
文辭職業分工拙流輩班資讓後先  
每愧陋容勞刻畫長慙頑石費雕鐫  
晨趨綸掖吟春



永夕會精廬待月圓立馬有時同草詔聯鑣幾處  
共成篇閑歌柳葉翻新曲醉詠桃花促綺筵少壯况  
逢時世好經過寧慮歲華遷雲龍得路須騰躍社  
櫟非才合棄捐再謁湘江猶是幸兩還宣室音何  
緣已知瑕玷勞磨瑩又得官司重接連聽漏分宵  
趨建禮從遊同召赴甘泉雲開閭闔分臺殿風過  
華林度管弦行止不離宮仗影衣裾嘗惹御爐煙  
師資稷契論中禮依止山公典小銓多謝天波垂  
赤管敢教晨景過華磚翺飛附驥方經遠巨楫垂  
風遂濟川玉燭調時鈞軸正台階平處德星懸岩

陸香圃三間草堂藏書

廊禮絕威容肅布素情深友好偏長擬營巢安太  
厦忽驚椽鉞領中權吳門日麗龍銜節京口沙晴  
鷁画舫盖代名高方赫赫戀思心切更乾乾袁安  
辭氣忠仍懇吳漢精誠直且專却許丘明師紀傳  
更容疏廣奉周旋朱門自得施行馬厚祿何妨食  
萬錢密疏尚應勞獻替清談唯見論空玄東山妓  
樂供閑步北牖風涼足晏眠玄武湖邊林隱見五  
城橋下棹洄沿曾移苑樹開紅藥新鑿家池種白  
蓮不遣前騶妨野逸別尋逋客互招延棊枰寂靜  
陳虛閣詩筆沉吟擘采牋往事偶乘春夢裏閑愁



因動落花前青雲舊侶嗟誰在白首親情倍見憐  
盡日凝思殊悵望一章追叙信精研韶顏莫與年  
爭兢世慮湏憑道節宣幸喜書生為將相定由陰  
德致神仙羊公剩有登臨興尚子都無嫁娶牽退  
象天山鎮浮兢起為霖雨潤原田從容自保君臣  
契何必扁舟始是賢

相公垂覽和詩復貽長句輒次來韻

西院春歸道里深披衣閑聽暝猿吟鋪陳政事留  
黃閣偃息神機在素琴玉柄暫時疎末座瑤華頻  
復惠清音開晴便作東山約共賞煙霞放曠心

陸香圃三間草堂藏書

九日落星山登高

秋莫天高稻穗成落星山上會諸賓黃年汎酒依  
流俗白髮滿頭思古人岩影晚看雲出岫湖光逢  
見客垂綸風煙不改年長度終待林泉老此身

十日和張少監

重陽高會古平臺吟徧秋光始下來黃菊後期香  
未減新詩捧得眼還開每因佳節知身老却憶前  
歡似夢迴且喜清時屢行樂是非名利盡悠哉

御筵送鄧王

禁裏秋光似水清林煙池影共離情暫移黃閣只



三載却望紫垣都數程滿座清風天子送隨車甘  
雨郡人迎綺霞閣上詩題在從此還應有頌聲

和張少監晚菊

憶共庭蘭倚砌栽柔條輕吹獨依隈自知佳節終  
堪賞為惜流光未忍開采擷也須盈掌握馨香還  
解滿尊壘今朝旬假猶無事更好登臨汎一杯

送馮侍郎

聞君竹馬戲毗陵誰道觀風自六卿今日聲名光  
舊物共看旌旆擁書生斬蛟橋下谿煙碧射虎亭  
前草路青應念筵中倍離恨老來偏重十年兄

陸香圃三間草堂藏書

又絕句寄題毗陵驛

曾持使節駐毘陵長與州人有舊情為向驛橋風  
月道舍人鬢鬢白千莖

陳侍郎宅觀花燭

今夜銀河萬里秋人言織女嫁牽牛珮聲寥亮和  
金奏燭影熒煌映玉鈎座客亦從天子賜更籌須  
為主人留世間盛事君知否朝下鸞臺夕鳳樓

送蕭尚書致仕歸廬陵

江海分飛二十春重論前事不堪聞主憂臣辱誰  
非我曲突徙薪唯有君金紫滿身皆外物雪霜垂



領更離羣雀歸華表望不盡玉筍山頭多白雲

賦得秋江晚照

落日照平流晴空萬里秋輕明動楓葉點的亂沙  
鷗罾網魚梁靜簞簞稻穗收不教行樂倦冉冉下  
城樓

奉和子龍大監與舍弟贈答之什

石渠東觀兩優賢明主知臣豈偶然鴛鴦分行皆  
接武金蘭同好共忘年懷恩未遂林泉約竊祿空  
慙組綬懸多少深情知不盡好音相慰強成篇  
史館庭梅見其毫末歷載三十今已半

陸香圃三間草堂藏書

枯嘗僚諸公唯相公與鉉在耳覩物興

感率成短篇謹書獻上伏惟垂覽

東觀婆娑樹曾憐甲坼時繁英共攀折芳歲幾推  
移往事皆陳迹清香亦暗衰相看宜自喜雙鬢合  
垂絲

鼎臣學士侍郎以東館庭梅昔翰苑之

毫末今復半枯向時同僚零落都盡素

髮垂領唯茲二人感舊傷懷發于吟詠

惠然好我不能無言輒次來韻攀和

悅

憶見萌芽日還憐合抱時舊歡如夢想物態暗還



移素艷今無幾朱顏亦自哀樹將人共老何暇更  
悲絲

再次前韻代梅答

託植經多稔傾筭向盛時枝條雖已改情分不魯  
移莫訝塔前老還同鏡裏衰更應憐墮葉殘吹挂  
蟲絲

太傅相公深感庭梅再成絕唱曲垂借  
示倍認知憐謹用舊韻攀和

禁省繁華地含芳自一時雪英開復落紅藥植還

移謂嘗為翰林又為史館靜想分今昔頻吟歎盛衰多情共

陸香圃三間草堂藏書

如此爭免鬢成絲

太傅相公以東觀庭梅西垣舊植昔陪  
盛賞今獨家兄唱和之餘俾令攀和輒

依本韻伏媿斐然 錯

靜對含章樹漢有含章簷下樹開思共賞時香隨荀令在

根異武昌移物性雖搖落人心豈變衰唱詠勝笛  
曲來往韻朱絲

鼎臣學士侍郎楚金舍人學士以再傷

庭梅詩同垂寵和清絕感歎情致俱深

因成四十字陳謝 悅



人物同遷謝重成念舊悲連華得瓊玖合奏發墳  
篴餘枿雖無取殘芳尚獲知問君何所似珍重杜  
秋詩

太傅相公以庭梅二篇許舍弟同賦再  
迂藻思曲有虛稱謹依韻奉和庶申感謝  
舊眷終無替流光自足悲攀條感花萼和曲許墳  
篴前會成春夢何人更已知緣情聊借喻爭敢道  
言詩

太傅相公與家兄梅花詞唱許綴末篇  
再賜新詩俯光拙句謹奉清韻用感鈞

陸香圃三間草堂藏書

私伏惟采覽 錯

重歎梅花落非關塞笛悲論文叨接萼末曲媿吹

篴毛詩云仲氏吹篴枝逐清風動香因白雪知陶鈞數友

悌更賦邵公詩

和鍾大監汎舟同游見示

潮溝橫趣北山阿一月三游未是多老去交親難  
暫捨閑中滋味更無過谿橋樹映行人渡邨徑風  
飄收監歌孤棹亂流偏有興滿川晴日弄微波

又和游光睦院

寺門山水際清淺照孱顏客棹晚維岸僧房猶掩



關日華穿竹靜雲影過堦閑箕踞一長嘯忘懷物  
我間

和張少監舟中望蔣山

谿路向還背前山高復重紛披紅葉樹間開白雲  
峯盡日慵移棹何年醉倚松自知閑未得不敢笑  
周顒

御札

新酒初熟偶與鄭王諸公開嘗于清宴堂廡之間  
既覽秋物復矚霜牋因賦茱萸一題以遣此時之  
興卿鴻才敏思不可獨醒宜應急徵同賦前旨

陸香園三開草堂藏書

茱萸詩

翰林學士臣徐

鉉

進

萬物慶西成茱萸獨擅名房排紅結小香透夾衣  
輕宿露露猶重朝陽照更明長和菊花酒高宴奉  
西清

奉和御製茱萸

臺畔西風御果新芳香精采麗蕭辰柔條細葉粧  
治好紫蒂紅芳點綴勻幾朵得陪天上宴千株長  
作洞中春今朝聖漭偏流詠黃菊無由更敢鄰

蒙恩賜酒奉旨令醉進詩以謝

明光殿裏夜迢迢多病逢秋自寂寥

臣以病戒蠟酒多時



炬乍傳丹鳳詔御題初認白雲謠今宵幸識衢樽  
味明日知停入閣朝為感君恩判一醉不須辛苦  
解金貂

秋日泛舟賦蘋花

素艷擁行舟清香覆碧流遠煙分的是輕浪泛悠  
悠雨歇平湖滿風涼運瀆秋今朝流詠處即是白  
蘋洲

題梁王蕉園

梁王舊館枕潮溝共引垂藤繫小舟樹倚荒臺風  
浙浙草埋歌石雨脩脩門前不見鄒枚醉池上時

陸香圃三間草堂藏書

聞雁驚愁節士逢秋多感激不須頻向此中游

奉訓度支陳員外

古來賢達士馳騫唯羣書非禮誓弗習違道無与  
居儒家若迂濶遂將世情疎吾友嗣世德古風藹  
有餘幸遇漢文皇握蘭佩金魚俯視長沙賦悽恻  
將焉如

明道人歸西林求題院額作此送之

昔從岐陽狩簪纓滿翠微十年勞我夢今日迷師  
歸曳尾龜應樂乘軒霍漫肥含情題小篆將去挂  
岩扉



送宣州丘判官

憲署游從阻平臺道路賒喜君馳後乘于此會仙  
槎緩酌遲飛蓋微吟望綺霞相迎在春渚暫別莫  
咨嗟

北使還襄邑道中作

九月三十日

九月三十日獨行梁宋道河流激似飛林葉翻如  
掃程遙苦晝短野迴知寒早還家亦不閑要且還  
家了

禁中新月

今夕拜新月沉沉禁署中玉繩疎間采金堂靜无

陸香園三間草堂藏書

風節換知身老時平見歲功吟看北墀暝蘭燼墜  
微紅

觀吉王花燭

王門嘉禮萬人觀况是新承置醴歡花燭喧闐丞  
相府星辰搖動遠遊冠歌聲暫闕聞宮漏雲影初  
開見露盤帝里佳期頻賦頌長留故事在金鑿

碁賭賦詩輸劉起居

真

刻燭知無取爭先素未精本圖忘物我何必計輸  
贏賭墅終規利焚囊亦近名不如相視笑高詠兩  
三聲



春盡日游後湖贈劉起居

劉時方  
燒藥

今朝湖上送春歸，萬頃澄波照白鬚。  
笑折殘花勸君酒，金丹成較是何時。

送察院李侍御使廬陵因寄孟員外

繡衣乘驛急如星，山水何妨寄野情。  
肯向九仙臺下歇，閑聽孟叟醉吟聲。

後湖訪古各賦一題得西郎

南朝藩閫地，八友舊招尋。  
事往山光在，春晴草色深。  
曲池魚自樂，叢桂鳥頻吟。  
今日中興運，猶懷翰墨林。

陸香圃三間草堂藏書

送德邁道人之豫章

禪靈橋畔落殘花，橋上離情對日斜。  
願我乘軒慙組綬，羨師飛錫指煙霞。  
樓中西嶺真君宅，門外南州處士家。  
莫道空談便無事，碧雲詩思更無涯。

送陳秘監歸泉州

風滿潮溝木葉飛，水邊行客駐駸駸。  
三朝恩澤馮唐老，萬里鄉關賀監歸。  
世路窮通前事遠，半生談笑此心違。  
離歌不識高堂慶，特地令人泪滿衣。

又聽霓裳羽衣曲送陳君

清商一曲遠人行，桃葉津頭月正明。  
此是開元太



平曲莫教偏作別離聲

又題白鷺洲江鷗送陳君

白鷺洲邊江路斜  
輕鷗接翼滿平沙  
吾徒來送遠  
行客停舟為尔長  
歎息酒旗漁艇兩  
無猜月影蘆花  
鎮相得離筵一曲  
怨復清滿座銷  
鳧鳥不驚人  
生不及水禽樂  
安用虛名上麟閣  
同心攜手今如此  
金鼎丹砂何寂寞  
天涯後會渺難期  
從此又應添白髮  
願君不忘分飛處  
長保翩翩潔白姿

徐騎省文集卷第五

陸香園三間草堂藏書



